

**Razvojna banka Federacije  
Bosne i Hercegovine  
v.d. Predsjednik Uprave**

Broj: 7759-III/24  
Sarajevo, 25.06.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine i preporuke Komisije za nabavke iz Zapisnika o pregledu i ocjeni ponuda broj: 7610-XI/24 od 21.06.2024. godine, v.d. Predsjednik Uprave Razvojne banke Federacije BiH donosi

**ODLUKU**

**o izboru najpovoljnijeg ponuđača u postupku javne nabavke roba "Nabavka i ugradnja klima uređaja" za potrebe Razvojne banke Federacije BiH**

**Član 1.**

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 7610-XI/24 od 21.06.2024. godine i ugovor za "Nabavku i ugradnju klima uređaja" za potrebe Razvojne banke Federacije BiH dodjeljuje se ponuđaču „ENERGO CENTAR“ d.o.o., ul. Cara Dušana broj 134 a, 78250 Laktaši, kao najpovoljnijem ponuđaču u konkurentskom zahtjevu za dostavu ponuda.

**Član 2.**

Ukupna ponuđena cijena roba iz člana 1. ove Odluke, iznosi 19.699,00 KM bez PDV-a, što u konačnici, s uračunatim PDV-om iznosi 23.047,83 KM.

**Član 3.**

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

**Član 4.**

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu Odluku na svojoj web stranici [www.rfbih.ba](http://www.rfbih.ba), istovremeno s upućivanjem iste ponuđačima koji su sudjelovali u ovom postupku.

**Član 5.**

Ova Odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

## OBRAZLOŽENJE

Odlukom broj: 5987-III/24 od 16.05.2024. godine, pokrenut je postupak javne nabavke roba – Nabavka i ugradnja klima uređaja za potrebe Razvojne banke Federacije BiH. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 20.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 17.05.2024. godine, broj obavještenja: 1011-7-1-104-3-37/24 (objava u „Službenom glasniku BiH“ broj: 36/24 od 24.05.2024. godine).

Tenderska dokumentacija objavljena je zajedno sa navedenim obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 3306-III/24 od 15.03.2024. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke je u okviru svojih nadležnosti i ovlaštenja provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda u kojem je utvrđeno da je pravovremeno pristiglo 6 (šest) ponuda, kako slijedi:

Rb	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	ZTR „BMG ELEKTRONIK“ Gordijan Pisić s.p. Zvornik, Vuka Karadžića 12, L-1	28.05.2024. godine u 09:45 h	20.000,00	0,00	20.000,00
2.	„DIGITAL LINE“ d.o.o. Sarajevo, ul. Marka Marulića do broja 2, Sarajevo	29.05.2024. godine u 9:49 h	20.000,00	0,00	20.000,00
3.	„ENERGO CENTAR“ d.o.o. Trn, ulica Cara Dušana broj 134 a, Trn, Laktaši	29.05.2024. godine u 09:55 h	19.950,00	0,00	19.950,00
4.	„SES“ d.o.o. Sarajevo, ul. Bačići broj 11, Sarajevo	29.05.2024. godine u 11:57 h	19.980,00	0,00	19.980,00
5.	„A/C“ SERVIS“ Bojan Golemović s.p. Banja Luka, Dragočaj bb, Banja Luka	30.05.2024. godine u 08:47 h	19.800,00	0,00	19.800,00
6.	„KMS“ d.o.o., ul. Stupska broj 19c, lamela C-2 Tibra 2, Sarajevo	30.05.2024. godine u 09:45 h	20.000,00	0,00	20.000,00

Cijeneći činjenično stanje, na osnovu izvršene analize i ocjene pristiglih ponuda, Komisija je utvrdila da su 2 (dvije) dostavljene ponude prihvatljive, dok su preostale 4 (četiri) dostavljene ponude ocijenjene kao nepravilne.

Pregled prihvatljivih ponuda prije provođenja e-aukcije:

Rb	Ponudač	Ukupna cijena ponude bez PDV-a u KM	Ponudeni popust u KM	Ukupna cijena ponude sa PDV-om KM
1.	ZTR „BMG ELEKTRONIK“ Gordijan Pisić s.p. Zvornik, Vuka Karadžića 12, L-1	20.000,00	0,00	23.400,00
2.	„ENERGO CENTAR“ d.o.o. Trn, ulica Cara Dušana broj 134 a, Trn, Laktaši	19.950,00	0,00	23.341,50

S obzirom da je tačkom 22. tenderske dokumentacije predviđeno provođenje e-aukcije u skladu Pravilnikom o uslovima i načinu korištenja e-aukcije ("Službeni glasnik BiH", broj: 80/23), za ponuđače koji su dostavili prihvatljive ponude zakazana je e-aukcija u četvrtak 20.06.2024. godine sa početkom u 14:15 sati.

Rangiranje prihvatljivih ponuda prema kriteriju za izbor ponude (najniža cijena) nakon provedene e-aukcije:

Rb	Ponudač	Ukupna cijena ponude bez PDV-a u KM	Ukupna cijena ponude sa PDV-om KM	Rangiranje
1.	„ENERGO CENTAR“ d.o.o. Trn, ulica Cara Dušana broj 134 a, Trn, Laktaši	19.699,00	23.047,83	1
2.	ZTR „BMG ELEKTRONIK“ Gordijan Pisić s.p. Zvornik, Vuka Karadžića 12, L-1	19.700,00	23.049,00	2

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda u skladu sa kriterijima iz tenderske dokumentacije.

Obzirom da ponuda ponuđača „ENERGO CENTAR“ d.o.o., ulica Cara Dušana broj 134 a, Trn, Laktaši u potpunosti odgovara traženim zahtjevima Ugovornog organa, da ovaj ponuđač ispunjava sve formalno-pravne, tehničke i ekonomske uslove, odnosno zahtjeve ugovornog organa, odnosno da je njegova ponuda prihvatljiva za ugovornog organa, data je preporuka ugovornom organu da se u postupku nabavke roba: „Nabavka i ugradnja klima uređaja za potrebe Razvojne banke Federacije BiH“, izvrši dodjela ugovora navedenom ponuđaču, kao najpovoljnijem, a koji je ponudio najnižu prihvatljivu ponudu, koja iznosi 19.699,00 KM bez PDV-a, odnosno ukupna vrijednost ugovora od 23.047,83 KM sa uračunatim PDV-om.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.

**v.d. Predsjednik Uprave**



**Borislav Trčin**  
*[Handwritten signature]*

Dostaviti:

- Učesnicima u postupku